

小
草
齋
集

小草齋集卷之二十一

陳留謝肇淛著

友人陳鳴鶴校

七言律詩四

李本寧太史謫潁上觀察扁舟夜過東郡
不及把臂悵然貽詩

御李生平願未諳孤帆一夜渺天涯詞壇牛耳
全歸楚世路羊腸復渡淮逐客烟塵迷効氣懷
人風雨暗松齋相看俱有闌河泪闔闔茫茫不

可辨

九月七日青州苦雨因憶滿城風雨近重
陽之語漫成口占

滿城風雨近重陽旅食蕭條復異鄉庭樹無情
留對綠籬花有泪爲誰黃海雲暮色催殘照塞
鴈歸聲帶早霜深鎖柴門慵卧起寒砧處處斷
人腸

九日登青州雲門山過希夷洞

綠酒黃花紫蟹螯他鄉九日暫登高洞雲晴散

千峰雨海色寒開萬里濤病後秋聲欺短髮尊
前爽氣落征袍尋真欲共希夷卧極目風塵生
事勞

作家書

天涯白髮不勝春落魄東方老逐臣十二年前
臨別泪六千里外未歸人日斜水驛孤帆遠門
對山城舊業貧一字未題腸已斷豈堪回首見

風塵

密州同王蓋伯明府登超然臺懷古

一片秋光爽氣開。况逢仙令共登臺。
城連平楚天邊去。雲擁羣山海上來。
灘水尚寒高鳥盡。穆陵無恙夜烏哀。
尊前欲灑羊公泪。往事殘碑半綠苔。

李季宣授濟陽令同劉五雲孝廉過余歷

山署中

天涯相見各銷魂。世事升沉未足言。
才子分符腰已折。孝廉下第舌空存。
數行別泪悲京國。一片歸心向海門。
獨有千秋功業在。新詩論罷月

黃昏

行次大峴

羸馬荒郊正夕陽
關河雲樹望微茫
山田雨過初收黍
海國秋分已降霜
客鬢驚同衰草白
鄉心愁對野花黃
從來搖落腸堪斷
况復遙天鴈數行

再寄李宣

別來雙鬢各如絲
伏軛能無俗樂知
山郭人稀慵束閣
門吏散醉題詩月
憐寒寺邀僧夜雨

憶橫塘汎伎時今日風塵俱是夢看雲何地不
相思

贈程子躍守登州

朱幡畫戟海東頭手握靈蛇紫氣浮牢落一官
仍五馬昂藏片語自千秋潮生夜浦收魚舶烟
散晴磯出蜃樓案牘事稀烽燧息不妨長嘯對

吳鉤

至日客青州用前韻

一夜陽歸物候新尚驅羸馬向風塵歲寒久負

梅花約律暖難回
委令春白草黃沙江上路
綠雲紅玉夢中人

閉關斂覺柴門靜
苦海何須更

問津

壬寅元日寄桃葉侍兒

歌管聲喧臘月降
誰憐游子客他邦
不聞鳴珮催銀燭
自卷寒衾向竹窓
歲似武夷峰六六
夢同湘浦鴈雙雙
知卿亦有相思泪
灑向新開柏葉缸

葉缸

送楊別駕歸滇中
楊時罷官且喪妻子

把袂臨岐恨未消西風吹柳綠蕭蕭一身骨肉
他鄉盡萬里雲山故國遙路接夜郎猿嘯月臺
過神女雨連朝滄洲歸去餽生事酒孰鷺肥白
馬騎

答贈萬伯脩開府一首

喧天鼓角下漁陽玉節啓壇鎖甲黃夜奪燕支
粧侍女朝吹觱篥宴降王沙場風勁弓如月幕
府春寒戰有霜武略文章今第一題來猶覺五
雲香

南平日本北平胡十萬家兒落鴈都馬上詩成
書記錄帳中采擲美人呼前軍度幕邊塵合古
戍臨關漢月孤戰馬不嘶春草綠金尊新點野

駝酥

寄顧靖甫守莒州兼懷吳中諸友

七月飛鴻渤海濱知君五馬向風塵浮丘山下
新從事落石臺前舊酒人官閣吏稀猿嘯夜孤
城花滿鳥啼春吳門親友如相問逐客于今尚

積薪

九日朱允脩太史招飲時霜降後一日

秋滿關河鴈已賓金尊玉樹共芳辰臺空戲馬
千秋事明許登龍萬里人席上落霞推太史籬
邊黃菊笑孤臣不堪卓帽風前墮昨夜微霜客
鬢新

重入青州

霸圖王氣鬱沉冥使節招搖幾度經從事仍浮
今夜白雲門還似去年青城鳥如訝新蓬鬢關
吏應占舊客星記得別時山下路石橋流水竹

西亭

壬寅除日

過隙年光不可留時憑書劍坐銷憂酒從臘後
開藍尾人向天涯憶白頭萬事傷心當歲晏十
年汨眼滯鄉愁明朝又逐鐘聲起羞對青春理
敝裘

癸卯元日

曙鐘初動臘全歸紫陌香塵信馬蹄客夢不離
閨海曲春風已到穆陵西它鄉栢葉拚誰醉故

國梅花幾樹低冷署何人吹暖律年華對

羣雞

鄭輅思計部轉餉北平還家見過并贈新
詩率爾奉答

羨君官屬大司農粉署含香與不懦歲請金錢
供突騎遠持玉節出廬龍歸心五月漳江水戀
闕二年長樂鐘更有新詩看不厭相逢相贈紫
芙蓉

宿遲賢亭觀石上仙字

功成拔宅是何年留得郵亭紀遲賢雞犬雲中人已去龍蛇石上世空傳松翻古洞生寒雨鶴識遺居嘯暮烟絳節不還丹竈冷不知滄海幾

桑田

登靈巖絕頂石佛洞

路出山椒萬象殊却疑咫尺接清都天開玉氣還今古地涌如來定有無平埜蒼茫齊魯盡亂峰羅立岱宗孤愁看下界塵如海欲向空門結半趺

喜其賢從父重過衙齋

道場山下水如烟忽憶分攜是十年別去風塵
俱落落重來情事更拳拳隔江天遠無歸鴈近
海沙深有薄田昔日親知顚頷盡不堪悲喜共
燈前

重登光嶽樓

飛閣層層接絳辰憑虛下界總黃塵帆檣遠水
遙連楚雲樹斜陽半入秦衆壑陰晴生海岱萬
家烟火傍城闈可憐信美非吾土腸斷天涯久

逐臣

九日同濟南諸君登華不注四首

萬壑秋聲正夕曛水田驚起白鷗羣孤峰忽向
平蕪出空翠遙從碧落分天際亂山皆繞郭洞
前恠石半棲雲不堪作客逢搖落斷鴈清猿處

處聞

鳥道千盤載酒過坐來秋色散關河廟經火後
黃冠少天近霜前白鷹多古洞有碑深落葉亂
巖無路入垂蘿登高作賦尋常事且向清尊一

醉歌

劍戟鋒攢不可登風高木落暮寒凝雲蟠絕壁
青如染路入陰崖勢欲崩曲磴嶮崿無度鳥荒
祠寂莫有懸燈探奇盡日忘歸去醉枕寒流石

上藤

芙蓉峰畔瀉寒泉傳是孤臣飲馬年洞壑已無
前甲子牧童猶指舊山川霸圖寂歷隨秋草城
闕蕭條鎖暮烟佳節萍蹤拏一醉牛山何用更

潛然

送濟南文太守入朝

東方千騎去如龍
疑是文翁異代逢
石上御屏新刺史
香留粉署舊司農
春光太液烟中柳
佳氣西山雪後松
滿目豺狼煩諫草
天闇近已隔重重

夏日飲朱太史園中

清時太史白牛車
背郭新開水竹居
四壁雨聲千挺樹
半窓月色一床書
茆齋榻爲高人下
花逕雲教稚子鋤
祇恐蒼生望安石
碧山猶未許

焚魚

送蕭大年水部觀察浙中

久含雞舌侍仙班虎符金章衣錦還愛客不愁
無驛馬避喧偏喜有湖山柳塘向月通宵醉石
屋尋僧盡日閒十載舊遊半零落送君腸斷憶
江關

上大司馬李子田先生一首

四十登壇鬢未絲文章蓋世武功奇星沉遼海
擒俘夜雪滿巴江飲馬時河洛已歸延喜玉風

雲長護受降旗
王恩覽足許滄洲卧
綠野春深日色遲

誰挽天河洗甲兵
東西氣祲一時平
雞林早購雙金價
麟閣今書片玉名
天爲唐家生李成
人從蜀道識長庚
酬恩國士知何日
祇有龍泉夜夜鳴

夢遊武夷

十年不到慢亭峰
忽覓烟霞萬壑松
鶴駕鸞驥雲冉冉
珠宮金闕翠重重
梯危折筍魂能度
崖

架仙舟意可從最是曙鐘相喚急猶驚枕上有

芙蓉

登樓懷王百穀

雲滿秋樓岱色昏遙從匹練憶吳門病中已閉
維摩室雪裏時過下若村老去登壇無敵國貧
來割味有雲孫姑蘇麋鹿聊城矢與汝同招萬

古魂

送鄭輅思守栝州

李北海舊治

嘶風五馬氣如龍文采風流又李邕千里山城

新太守十年香署舊司農訟庭吏散無公事郡
閣窓開有亂峰別後夢魂何處覓天台東去白
雲重

乙巳元日

條風一道啓芳辰蓂莢初開曆又新南鴈驚殘
千里夢東方羞度六回春河流帶雪成飛沫柳
色含烟動翹塵綠蟻滿缸兒着鄰不知身是倦
游人

乙巳寒食作

空齋寒食燕初飄滿地棠梨獨閉門萬里風烟
人白首一簾花雨日黃昏流鶯乍喚還家夢芳
草空銷病客魂謝女江頭楊柳色不知何處覓
王孫

春日同濟南諸君泛舟明湖分得狂字

春色湖光澹夕陽孤城倒映水雲鄉新荷不礙
蘭舟渡飛絮偏縈翠袖狂山影四圍浮睥睨蛙
聲兩部答笙簧中流容與寧愁夜纖月還應挂

文牆

泊濟寧城感事

汶河南下勢馮陵一片孤城爽氣澄風飽布帆
飛度閘雨腥漁艇亂拋曾春深水族家家市夜
泊牙檣處處燈回首舊遊雲物異高樓蕭索不
堪凭

哭鄧汝高

別來蹤跡兩茫然誰向山陽笛裏傳使節不歸
雲夢澤詩名已播日南天秋風冷落當門柳生
計蕭條負郭田回首十年燕市夢相思無路到

黃泉

界河驛讀葉進卿少宰卧病留題

故人消息近如何喜見新詩字未磨侍從起家
官不薄風塵作客賦偏多鄉心一夜飛閨海卧
病經旬宿界河我亦倦遊歸計晚相思聊作五

噫歌

登嶧山五首

鳥道飛盤勢不迴千巖萬壑錯成堆危峰似向
空中架古洞還從地底開寺有孤桐傳禹貢碑

留小篆任秦灰扶筇直步蓮花上片片雲霞撲面來

峭壁層層削不如溟濛空翠濕衣裾石花帶雨春初密巖樹凝烟曉未疎人向山腰尋洞入僧從石底結寮居還將太乙藜頭火照盡金函玉

檢書

霧散天空爽客心俯看下界欝沉沉中原文物還鄒魯東海山河自古今流水石牀丹竈冷殘碑梵字綠苔深雄圖往蹟都休問西北浮雲意

不禁

宿雨初收曙色開風吹雙屐上蓬萊路行抵石
常疑盡峰勢欺人直欲來洞口藥苗多似草山
頭土茗綠於苔白雲宮裏朝元罷一曲瑤笙百

尺臺

仄徑危梯信短筇寒泉界破綠芙蓉空山盡日
無啼鳥涸澗千年有卧松絕頂石崩時斷路半
巖雲起忽成峰憑虛便欲凌霄漢咫尺天闔不
可從

嶧陽桐

孤根久託嶧陽岑空谷風霜不敢侵年遠似應
山鬼護夜寒時作水龍吟蒼苔半蝕深沉色綠
綺長懸太古心却笑出山材爨盡豈留清賞到
如今

飲桑一卿駕部園中賦贈

雲卧滄洲未陸沉茆堂石竹散春陰鶴銜架上
丹鉛訣花映牀頭綠綺琴司馬颸虛明主意
野鷗久狎逐臣心相逢便作無期別回首箕山

烟霧深

得報遷南比部

宦情久作不然灰煖律驚從黍谷回十載羞同牛馬走一官喜傍鳳凰臺赤鳥寺裏新花發朱雀堂前舊燕來最是關雲看漸近天涯歸思渺難裁

初入金陵東曹能始廷尉

莫愁湖上藕花舒廷尉門前草色疎作客正當三伏盡思君已是十年餘江城月送看花艇石

移風翻種樹書世路升沉何足問六朝臺榭總丘墟

吳載伯招遊莫愁湖得雪字

藕花開盡鎖香雲彷彿金翹漾水紋南國佳人猶有字西吳公子早能文垂堤柳共纖腰鬪隔岸山疑黛色分惆悵風流千古事石城殘角不堪聞

仲秋二日朱文寧司成施仲宣儀部姚仲

文光祿吳載伯司城邀集王園分得憑

卷二十一
字是日暑甚

蒼蒼平楚暮烟凝落日危欄醉後憑人月金風
新白下十年釣碣舊吳興鐘聲遠近傳僧寺王
氣低迴護孝陵興劇莫愁殘暑在對君已似
玉壺冰

偕能始集湯唯尹比部齋頭賦贈

相逢江上水初波郢曲寧論下里歌門掩鍾陵
佳氣近家藏宛委祕書多尊前落日聞鴻鴈雨
反空齋長薜蘿知爾風流兼吏隱不妨求仲日

經過

奉和太司寇趙先生齋居禱雨詩二首

騎陽不敢早秋時赤地猶鞭六馭馳倚樹幾人

逢少女空山盡日見肥遺秣陵彫弊難逃暑宣

室高居正受釐獨有老臣憂社稷齋心蒿日夜

歸遲

雲館青綾伴索居九微燈燼夜窓虛德星應照

都官省閔雨無勞魯史書么武湖邊雲乍起太

平堤上柳初舒定知北斗天喉舌自有玄冥爲

洗車

上大夫司寇趙先生一首

早捧天書出紫垣朝陽孤鳳自騰騫東南半壁
曾開府文武諸生盡及門百越甘棠猶有頌十
年叢棘已無冤欲酬四海蒼生望元老先承

聖主恩

白雲暑繞御堤斜退食從容步晚霞園土無人
時鞠草玉條有筆自生花冶城雨逐新持節閩
海霜飛舊建牙却訝龍門登不易或憐文舉是

通家

奉和葉進卿少宰先生登牛首一首

嵯峨天闕白雲關石級丹梯杳靄間古洞人稀
芳草合禪房僧定落花閒寒江自繞孤城曲秋
樹初懸片月彎却憶當年舊遊處窓中塔影檻

前山

扶筇獨上叩松關路出諸天縹緲閒啼鳥不知
常侍貴歸雲長伴老僧閒窓臨平楚看逾迴樹
亞懸崖勢盡彎自是東南多玉氣故教卿月照

名山

雨花臺送梅子馬少府之嵫陽得鹽韻

首有引

夫劍嘯匣中茂先嘆其求合驥嘶轅下孫陽
痛其不遭物有固然士亦宜爾子馬璠璵望
族綃縠竒文才名三十年詞壇之幟久赤風
塵數千里仙吏之綬仍黃已召長沙還趨曾
郡從大夫之後舍我其誰近聖人之居若此
其甚紅蓮泛水行參鵠鷺之班小草出山

贊

拋猿鶴之夢布帆旣戒祖席斯張是日也天
朗氣清風高木落獨鴻叫夜萬籟鳴秋臺上
雨花併作離人之泪江頭雲樹空迴羈客之
腸征輪動以含悽別掌陳而弗御但願芳猷
勉堅勿卑枳棘之棲尺素頻來無忘管刲之
舊岱宗橫翠挂我心旌汶水流澌送君行李
凡我同志請各賦詩

風高木落滿形蟾才子東行吏隱兼秋色似憐
官况薄鴈聲偏向別離添孤帆雪盡長淮闊匹

馬雲開大嶧尖萬戶絃歌八事少不妨長嘯日

垂簾

江亭把袂酒頻添拙宦何妨歲月淹霜落塞鴻
悲別棹潮生水驛報郵籤東方仙吏今梅福南
國風塵老謝瞻杜甫臺西舊遊處送君雙袖汨

痕沾

奉和葉少宰游棲霞阻雨不果二首

清曹閒結白鷗盟蠟屐相將出禁城映水欲來
雲有態催人歸去雨無情空林落葉秋初暮絕

壑含烟晚未晴馬首漸驚風物異淒淒砧杵滿
神京

上方雨過綠苔封詞客應迷物外蹤古寺香風
生簷葛亂山雲氣失芙蓉林稀霜葉紅初見路
遠烟嵐翠尚重薄暮鐘聲天際起夢魂猶到最
高峰

奉和大司寇趙先生登清涼臺因謁宋監
門鄭先生祠二首

翠微斜枕石頭城天外羣峰面面迎地勝尚傳

龍虎氣臺空遙識鳳凰名芳祠寂莫孤臣汨京
國蕭條萬古情惆悵登臨秋色晚寒江如練暮
雲平

秋風百尺起香臺六代繁華安在哉古寺祗留
清梵響孤城猶抱大江開二山楓落潮空上千
月霜寒鴈獨來自是羣公多暇日銷憂何地不
徘徊

奉和葉少宰登朝天宮二首

清都絳節望微茫遙聽笙歌落上方龍起冶城

時作雨鶴棲珠樹不知霜半山銜日明吳苑獨
鴈衝雲過楚湘雙屐淹留還卜夜疎鐘寒漏莫
相妨

九曲天階策杖遊疑從汙漫躡蓬丘鴈門疊嶂
青初合鳳闕凝烟翠欲浮華表鶴歸丹壑暝罘
罿風動故宮秋步虛聲斷瑤池冷新月遙生白
鷺洲

人日送姚園客之青州入盧使君幕

新年草色昭離顏郡閣初開玉荀班人日乍拋

桃葉渡客星遙向穆陵關水消濟水家家柳路
出瑯琊處處山從事相邀多暇日雲門峰頂看
潮還

贈茅孝若時將入燕

少年初作白門游羸得鐘陵紫氣浮古寺尋梅
春載酒華堂擁伎夜藏鉤城頭柳映新張繙湖
上花憐舊莫愁別路燕山風雪裏幾人相憶在

青樓

答吳翁晉一首

十載離羣鬢已斑相逢殘雪滿鍾山詞壇此日
君爲政世路何年我乞閒古渡月明邀伎載小
房人去倩僧關只今夫日峰頭望紫氣東行尚
未還

秣陵詞客盛如雲先得驪珠獨有君蕭寺春寒
眠嬾起平康夜半酒微醺道流時餉青精飯年
少爭持白練裙自笑飄蓬今似昔幾人能問故

將軍

和葉少宰韻壽大中丞耿先生

身騎白鹿下塵寰正值春陽月滿環閨海尚傳
夫子履鍾陵獨領大夫班虹橋弱水通湘渚石
室仙雲近楚山天爲漢廷思借箸覽教黃石到
人間

春日同汪仲嘉諸君木末亭燕集喜徐興
公至分得青字

故人蹤跡尚飄萍載酒閒登郭外亭山色遙當
雙樹見鐘聲時隔數峰聽紫韁遊子春浮白翠
袖狂人醉踏青萬壑風和新柳細相逢那肯獨

爲醒

春日游靈谷寺

郭外春陰散上方寒松十里鬱蒼蒼谷聲長作
琵琶響塔影時開舍利光科斗碑殘空有座龍
蛇殿古尚無梁祇今一片鍾山月猶逐西風照

講堂

金陵懷古六首

鍾阜飛盤王氣凝石城虎踞勢峻嶒百年天塹
吳王國一片寒山蔣帝陵烽火樓空春樹月梧

楸宮冷暮池冰英雄志業銷沉盡立馬傷心問

廢興

右吳

寶鼎沉江咽不流銅駝金谷恨悠悠梅花殿廢
空梁暮桃葉人非古渡秋東府衣冠無第宅西
州劍履有松楸如今試上新亭望風物何須泣

楚囚

右晉

含章殿裏百花香綺柱珠簾甲道長上苑有池
曾飲馬樂游無地更浮觴秋風故國悲狐鬼落
日高臺憶鳳凰唯有江梅似相惜春來猶學壽

陽粧

右宋

一片青溪帶晚潮江風吹草綠蕭蕭玉奴艷骨
歸塵土金屋離宮閉寂寥城闕有鳥啼夜雨亭
臺無樹起商飈只今太液蓮花色猶似當年步

履嬌

右齊

四百招提法座開君王日日舍身迴香銷合殿
蛾眉怨月冷臺城盡角哀鬼火夜生玄武寨山
雲晴護讀書臺天花寂莫浮圖盡秋雨秋風長

綠苔

右梁

沉香亭殿鎖朱門歌舞三千笑語誼高閣臨春
花不斷後庭子夜曲初翻宮中羅綺傷秋色并
上臉脂雜淚痕回首興亡俱是夢吳公臺下月

黃昏

右陳

送翁子先守撫州

勞勞亭上早鶯啼銅虎新分汝水西三月花飛
吳苑暮九江潮合楚天低仙人授簡尋羊角刺
史行春信馬蹄靈運池邊芳草滿知君相憶倍

淒淒

清明前一日同諸君木末亭燕集作得明

字

和風吹柳近清明淺草新花九陌平郭外行厨
初改火水邊立馬乍聞鶯江光隔樹搖殘日山
色浮烟覆禁城十里香塵人盡醉歸鞭時唱踏
莎行

送納言于文若遷太僕北上二首

銀臺清切步從容司馭歸朝拜紫封濟水雲檣
新乳燕漢家夫廡舊飛龍行經吳苑黃梅雨卧

對燕山碧落峰如問閒曹留滯客白雲秋色冷

芙蓉

撲面楊花鶯亂啼春風送客石城西登壇久已
盟牛耳奉駕時應數馬蹄蒼玉佩齊朝待警黃
金轡冷夜聞嘶酒泉亭障蒲桃熟羸得新詩醉
裏題

送戚不磷之內黃

秦淮夜雨起微波此日逢君奈別何江上落花
春事盡馬頭殘月鴈聲多山當沙麓雲連樹路

出金隄柳夾河知有逢迎賢地主不須惆悵怨離歌

吳臯倩招汎秦淮同藏晉叔諸子卽席作
冶城四月火雲升夜雨新漲淮流增落日蒼茫
照京國孤舟蕩漾隨所乘夾岸人家舞白苧中
流女兒歌采菱鶯聲柳色情不極酒來不厭多

如涵

贈龍君御計部

吳山一別兩飄蓬萬里相思路不通戎馬驚心

君逐北風塵滿目我居東千秋白雪推梁苑十
載紅顏泣漢宮此日匆匆又分手春明門外月
如弓

題涿鹿蕭郡丞別業

五馬功成遽拂衣春山晴對白雲扉松間挂笠
同僧語月裏開簾放鶴飛問竹每隨藜杖往看
花時奉板輿歸客來莫厭留連久新酒盈缸筍
蕨肥

月夜坐燕子磯同喬卿興公共用潮字

傍水危峰氣沉寥孤舟坐對可憐宵梧桐影裏
新秋月蘆荻聲中半夜潮涼露乍生羅帶冷微
波初動練光搖千尋鎖斷空磯老惟有寒江似

六朝

賦得萼綠華贈羊權詩壽顧所建母

暫別瑤池侍女班鸞車縹緲降人間半空香霧
迎煙節萬里仙風送珮環摘得榆花天上種偷
來桃核海中山贈君一粒長生藥服食千年駐

玉顏

重過吳興

當年心事暗消魂。世路羊腸不足言。
逐客尚餘東郭履。故人誰是孟嘗門。
菰城殘照寒溪急。蘭若西風碧浪翻。
去日兒童今漸長。相逢猶識舊朱幡。

重游峴山

西風吹浪鴈聲稀。遠寺寒鐘隔翠微。
苔壁獨留殘墨在。松雲猶逐老僧歸。
一官牢落人依舊。十載風塵事半非。
仰相看已陳迹。峴山今古一

沾衣

范東生招同吳非熊方子八公沈從先徐興
公登上方寺望太湖

古木雲房翠作屏五湖殘雨晝冥冥連天高浪
吞吳會隔水微峰見洞庭廊下苔碑文半蝕松
間香積戶長扃上方日落寒鐘動處處菱歌月
裏聽

真州感舊二首

琵琶一曲碧江潯留得青衫濕至今錦帶有香

魏渺渺黃泉無路影沉沉芙蓉鏡裏秋雲斷楊柳樓頭夜雨深一自鳳皇分散後相如不復再彈琴

海棠花下襪微塵十載空憐掌上身寶鏡已分眉黛冷玉簫猶在泪痕新病來樊素無歸日事去蕭郎是路人帶斷同心瓶墜井芙蓉帳裏更無春

雨中過武夷

九曲羣峰接窈冥朝來微雨濕空青黃冠尚識

重游客蒼蘚全侵舊勒銘半壁危梯猿解度隔
林疎磬鶴能聽風塵自笑驅人老十五年來鬢

已星

建溪道中

山下荒城鳥道高翠微含雨濕征袍十年驛路
風烟異萬里歸人夢寐勞秋色老於華髮客灘
聲寒似白雲曹逢人漸覺鄉音近一片愁心付

濁醪

賦得冰壺贈王明府

北陸光華玄圃姿清心一片影淋漓月明秋水
初凝夜雪滿寒窓獨坐時雲母屏空看不定水
精宮冷夢還疑何人風骨能相似石室峰前玉
樹枝

送夏黃門使琉球還朝

金函寶冊出蓬萊滄海茫茫一鏡開使節疑從
天上下仙槎應拂斗間迴射空鼉眼看如日薄
浪鯨鬚聽若雷萬里風波君莫歎清時須爾濟

川才

送王大行使琉球還朝

袞衣擁傳古皇華
萬里扶桑浪作花
詔灑夷王天外
露裝輕使者海中
霞龍迎玉節衝波起
鴈引牙檣帶雨斜
自有越裳隨獻雉
豈同博望遠乘槎

題徐惟和幔亭圖

雲樹蒼茫濕翠微
山川滿目泪沾衣
虹橋宴後人何在
華表歸來事已非
詞客有靈遺蛻冷
曾孫無主落花飛
可哀一曲滄桑改
霜月淒涼照

竹扉

丙午除夕

孤燭熒熒臘已過年華四十竟蹉跎柴門冷落
風塵少骨肉凋零涕泪多雞骨餘生雙短鬢羊
腸世事一漁蓑椒花柏葉無心緒空向殘年哭
逝波

小草齋集卷之二十一 約

小草齋集卷之二十一

陳留謝肇淛著

友人徐 劑校

七言律詩五

丁未元日

歌管無聲掩單門，春來秋更斷人魂。
故園風物成虛度，往事淒涼不忍言。
斷浦通潮浮荇帶，空堦過雨上苔痕。
猶餘二逕梅花在，徒倚東風白日昏。

日昏

送絕塵上人出山

禁足年來萬事慵，雲天一衲信孤踪。
路當三伏家家雨，地入雙林面面峰。
松頂挂瓢時礙鶴，潭前洗鉢不驚龍。
禪心去住何須問，流水空山半

夜鐘

送守叢上人之永順山中

十年苦行一瞿曇，遠向華陽結草庵。
貝葉真言傳鳥語，蓮花法座聽龍參。
牀頭一衲經山雪，松裏孤燈閉石龕。
知爾禪心無住着，不妨蹤跡混

三三

送曾芻甫遊燕

年少休歌行路難故人還贈遠遊冠幾行鄉樹
尊前別無數名山馬上看花映青樓金屈戍匣
藏紫氣玉琅玕遙知後會相思處烏石峰高易
水寒

贈留都耿司馬

鵠印登壇輦轂清春風絃管鳳凰城尊前已辦
匡時略柱後猶高執法名江左羽林新宿衛海

南星比舊諸生非能早發明王夢尺五雲霄

聽履聲

送蔣子才之吳

風流俠氣古來無袖有隋和十五都雙鬢半凋
猶作客千金一擲盡成盧蘇臺月冷看麋鹿淮
水春深聽鷓鴣最是舊遊腸斷處烏衣門巷夕
陽孤

送蔡伯達明府之香山

秋風露冕拂桄榔此日珠還待孟嘗地入五羊

新剖竹人傳九鯉舊甘棠門前春水通蠻舶
海上羣山接瘴鄉去去王程君莫戀徵書今已下
明光

丁未初度

秋來雙鬢轉蕭蕭牢落雄心老漸消多病未能
忘歲月深山不復夢重霄蓼莪聲裏空悽楚玉
樹庭前尚寂寥四十一年駒過隙生涯已拚付
漁樵

積芳亭作

八音

金爐香燼晚風吹石榻蘿陰覆小池絲胥落花
人去後竹搖殘月鴈來時匏尊載酒竒誰問主
屋生雲夢不知草盡塵心無一事木魚敲罷鶴
歸遲

送徐興公馬季聲之嶺南

謝女江邊歌送君尉陀城下月紛紛蠻村衝馬
黃茅瘴海店蒸人碧荔雲四百亂峰天際出三
千驛路嶺頭分莫耽行樂歸期晚歲暮鴻聲不
可聞

送周喬卿之建溪

碧眼虬髯七尺軀腰間寶劒冷昆吾十年詞賦名偏重八口饑寒計已無夜半回灘滄峽急秋深落木朗山孤定知旅館殘燈處還憶高陽舊酒徒

戊申元日

絲勝辛盤一度新聞過四十一年身愁中日月無人問雨裏柴門有鶴隣往事悲歡俱是夢世情冷煖定誰真鬢毛蕭索雄心減任爾人間桃

李春

上元日康季鷹載酒鏡瀾閣同王玉生陳
惟泰馬季聲王粹夫周喬卿徐興公吳
元化鄭孟麟同賦分得橫字

新柳香風春滿城朱欄斜倚晚峰橫板橋流水
潮初上遠樹籠烟月未生穠李粧殘游女醉踏
莎聲斷少年行非君意氣憐同病辜負繁華故
國情

壽詩

錦帳都梁白玉膏瑤池此日奏雲璈門臨瀛海
三珠樹盤薦綏山五色桃鸞影鏡中常比翼鳳
雛膝下已成毛金丹銷盡如霜鬢搔首扶桑看

日高

送翁兆震太史還朝

青絲紫蓋起征塵香案前頭第一人錦里畫遊
新雨露玉堂夜直舊星辰鶯啼柳色千門曉馬
踏桃花萬樹春三百同年半零落非君誰復念

沉淪

送蔣子梁之瓊州

春晴遊子改征衣
馬首東行背落暉
大海前頭疑地盡
百蠻深處見人稀
山村暝色桄榔合
水店腥風翡翠飛
萬里長途須努力
高堂白髮待君歸

送陳幼孺之燕

別恨匆匆髮指冠
舊遊回首汨闌干
貧餘四壁辭家易
病後長途作客難
匣裏寒光生劒浦
馬頭殘夢過邯鄲
鳳凰池上風光好
莫忘江邊老

釣竿

送靈溪上人還北固

去吳千里復辭閩海國逢春又暮春杜宇聲中
行腳路荔枝陰裏坐禪身錫知江岸投初地烏
近齋筵識舊人石上松枝猶未老南朝烟草一
番新

送潘汝一之燕

把袂相看汨欲垂論交已是十年時白雲暑裏
三更雨青雀舟中一局棋世路羊腸憐爾拙殘

生雞骨歎吾衰遙知此去燕山道馬首紅塵憶

荔支

寄林若撫

曾從紫氣識龍文忽見新詩過所聞老去自慚
牛馬走書來猶問鹿麋羣春城樹色連吳苑夜
雨鴻聲叫海雲荔子新紅榕葉綠相期同拜武

夷君

高邑侯雙壽詩

鶴髮雙雙歲月餘主恩未許鹿門居紫鸞已

捧雲中詰青鳥能傳海外書
膝下舞衣垂墨綬
花時載酒奉雕輿
越王江水吳山月
兩地祥光照綺疏

題鄭子孟麟書齋

花飛谷口踏成泥
盡是春風桃李蹊
微雨人歸雙樹杪
斷鐘聲在數峰西
隔窓殘瀑穿池漲
絕壁游雲向戶低
煮茗焚香無剥啄
一簾叢竹鷗鶴啼

送姚園客重入青州

如雪麻衣白鼻騮豆堪溽暑復天涯半生病骨
真憐汝萬里歸心莫憶家從事爐頭新竹葉使
君幕裏舊蓮花夢中猶記雲門路亂壑寒松一

逕斜

送陳孟育以歸善人歸赴嘉禾別駕

墨綬仍分刺史符風流百粵復三吳縣中人去
花猶在海上舟來石也無山荔輕紅歸故國浪
花飛白過平湖送君却憶曾遊處烟雨樓頭片

月孤

高景倩本山齋啜中冠荔支因戲作水墨

側生圖同賦

擘盡冰盤萬顆丹一枝幻出巧毫端朱顏洗罷
都無艷黛色粧成似可餐濕葉應沾秋露重輕
痕如隔曉烟寒素心相對渾忘暑莫作紅塵馬
上看

集蔣子梁齋中啜荔支并醫賦得冠字

馬乳空凝白露寒持螯不數紫臍團乘風詎信
帆爲甲沁水驚看錦作丸背負媚同連理種腥

紅嬌映惠文冠平生漫憶三都賦何似金盤玉
筋餐

徐興公招集九仙觀避暑啜荔支賦得回
文二首

蕭蕭落木古空壇劇暑塵忘盡日歡橋對寺門
松繞碧郭圍山殿石生寒潮歸晚浦秋風遠樹
隔晴嵐夕照殘暉消渴病知應漱玉嬌枝荔顆萬

藜丹

春城野木紫藤枯卧對閒僧一事無馴鵠繞磚

苔像古老龍蟠柱石燈孤人歸濕露搖珠樹鶴
夢驚風撼碧梧塵界遠消初地淨新松挂月夜
啼鳥

送駱象先明府擢兵部

餐殘荔子赴王程手捧天書擁傳行太史已占
雙鳥近仙曹誰似五兵清尊前玉女芙蓉冷馬
首材官組練明我自閉關君望闕不堪搔首鳳

凰城

送華抑孺明府擢留都兵部

天書初捧紫泥函
才子登仙自不凡
灘水尚留冬日愛
白明斃借夏雲銜
龍飛七校迎行馬
牛首雙峰對落帆
昔日舊遊成夢寐
送君腸斷濕征衫

吳元化招集玉真宮納涼噉荔支限衣微

暉歸飛五韻

晴嵐如雨濕蘿衣半壁危亭挂夕暉玉液驚從
丹荔瀉濤聲遙向亂松飛林邊古堞圍朱殿雲
裏孤鐘落翠微萬壑涼生殘暑失鼇峰新月送

人歸

送卽凡上人之吳門

錫杖高飛何處峰荔支六月午陰穠口宣揭諦
降山鬼手挂袈裟別院松震澤亂流朝洗鉢寒
山孤棹夜聞鐘知君心作沾泥絮去後衡門任

草封

蓮花樓避暑得樓字

古堞遙連百尺樓萬山排闥坐消憂雲迷平楚
高低樹風送寒潮遠近舟黃鳥啼殘芳苑夕碧

蓮香盡曲池秋斜陽欲下歸鴉急醉倚松門看
月流

馬季聲招集雕龍館各賦荔支一事分得
根

仙種應從閬苑傳孤根百尺老龍眠紅雲低映
輪菌石絕壁深蟠瘴癘烟唐騎未能馳繡嶺漢
宮應得傍甘泉春風容易朱顏換閱盡枝頭幾
歲年

季聲病起招歌荔支賦和

雕龍館外晚風輕猶勝西禪舊日盟異種遠從
江上覓新詩初向病中成承盤露比金莖潤出
水珠搖絳帳清乍得相逢懽不足松雲深處月
華生

過芝山寺瞰荔支乘涼至夜

閒來兩度扣禪房分得松窓一日涼採盡紅雲
猶有宴燒殘碧篆已無香衰蟬咽露喧祇樹馴
鵠依燈宿講堂四壁寒山滿床月老僧更獻紫

瓊霜

六月十五夜過法海寺荔陰坐月分賦

羅山山下古琳宮月色爐烟散遠空
嵐氣暮凝金闕紫荔雲高映玉波紅隔林殘靄微催雨拂
坐寒香暗度風更到上頭磐石卧萬家燈火漏
聲中

積芳亭噉黃香荔支

紛紛紅紫鬪濃粧正色猶存一樹芳金屋正宜
藏玉貌綠衣何用怨黃裳棲枝鶯語渾無辨對
酒鵝兒別有香若待二秋搖落後千頭羞殺洞

庭霜

徐興公見惠雙鬢芳勃支同賦

一榦斜分兩顆勻却疑連璧是前身綠雲鏡裏
雙鬟小紅粉叢中並蒂春玉臉欲恨愁半就同
心已結媚橫陳當年若上驪山道妬殺鴛鴦被
底人

過法海寺感懷

當年甲第倚雲開此日驚登般若臺金地已成
新法界羅山還屬舊如來春深別院無歌舞水

落寒池有劫灰二十年前讀書處題名強半沒

蒼苔

林民部天迪見餉園中荔子蓮房賦謝

城枕芳園雲水鄉芙蓉抽實荔凝漿折殘露粉
寒波動覓得霞墩異種嘗百子房開千錦帳紅
裙粧對綠衣郎筠籠稚子雙雙至猶帶當年漢
署香

雨後集徐興公汗竹齋草武夷太姥支提

鼓山清源諸茗各賦一首

蹀躞過雨午陰濃添得旗槍翠幾重稚子分奩
誇茗戰主人次第啓囊封五峰雲向杯中漫百
和香應舌上逢畢竟品題誰第一喊泉亭畔綠

芙蓉

候湯初沸瀉蘭芬先試清源一片雲石鼓水簾
香不定龍墩鶴嶺色難分春雷聲動同時採晴
雪濤飛幾處聞佳味閩南收拾盡松蘿顧渚總

輸君

賦得一騎紅塵妃子笑

炎天佳果貢殊方正值華清罷曉粧紅粉乍迴
新拜賜玉顏初鮮暗聞香千山瘴霧馳青絡百
媚春風對絳囊最是劙門花落後梧桐秋雨泣
霓裳

贈淮陽李太中丞二首

翩翩千騎領中丞部署風雲護七陵白簡霜
寒當日疏黃河天盡向秋澄梅花官閣吟何遜
貂珥清朝避李膺遙憶龍門霄漢上衣冠能得
幾回登

長天木落酒陵秋淮北淮南葉盡流山列八公
分仗鉞堤連千騎報飛艘燈前自草陳琳檄月
下閒登庾亮樓幾度夢魂依組練白雲烟樹帝

王州

送王明府擢水部

三山高峙芋江清治行先推第一名蘭省忽承
天子詔棠陰猶在越王城烏衣舊業過江表赤
仄新錢鑄水衡惟有故人甘寂莫著書終日老

虞卿

四皓廟

鴻飛千載杳難攀古廟殘碑落木寒洞裏紫芝
秦日月殿前黃髮漢衣冠秋風蘋藻啼山鬼夜
雨松花覆石壇惟有白雲飛不盡只應西去望
長安

赤壁懷古

東風西望武昌城山色蒼蒼共月明春草不生
征戰地寒江猶咽亂離聲甲光雨後穿沙壠鬼
火宵深照水營霸業湮沉成異代荻蘆千里暮

雲平

送鄭性冲之新安

飄然一棹水烟深
世事悠悠尚陸沉
暗路未應投白璧
交情終不敵黃金
胡姬爐畔朝沽酒
寡女門前夜聽琴
三十六峰何所似
因君遠寄白雲心

雲心

雨中宿鼓山禪院同徐興公周喬卿蔣子

才

上方寂寂鎖蒼藤
門掩雙峰最上層
半嶺松濤

千嶂雨數行香篆一龕燈寒潮應月喧殘寺獨
鶴眠雲伴老僧塵夢欲醒鐘磬動冷然心地證
三乘

靈源洞答興公

甃鼈橋上鴈聲哀極日平蒿古殿灰幽洞忽排
山罅入小庵斜倚石門開題殘蒼蘚看難辨喝
後靈泉去不迴十九年前曾宿處佛燈猶照講
經臺

壽大納言沈先生

先生子時爲閩督學

出入承明五十年朱顏如玉並抱鮮尚方先賜
鳩頭杖元老仍司鳳尾箋曳屢雲霄天尺五趨
庭桃李十二千聖朝獻納需黃髮未許金門
隱列仙

贈沈山人

布襪青鞋九節筇閒雲去住本無蹤囊中祕冊
傳青鳥天際孤峰斬白龍春醉平康新市酒夜
投山寺隔林鍾蕭蕭生計何人問四壁烟霞萬

壑松

送徐興公之金陵

風木歌殘恨未平。西風吹汨送君行。五更羸馬還家夢。半夜慈烏失母聲。鴻鴈暮雲裏。苑樹魚龍秋。浪白門城江南處。處處傷心地。莫問秦淮舊月明。

哭沈從先

吳門一別長離憂。半世飄零此日休。四壁生涯嬌子哭他鄉。骸骨故人收。星文天上何時落。書法人間到處留。最是廣陵遺散絕。淒涼茂苑不

襄秋

漢閩越王墓

百越山河草昧初杜鵑聲裏拜無諸寒江王氣
浮金鎖秋草玄宮閉玉魚榕葉經霜埋馬鬢颺
風吹雨蝕蟲書五陵寂莫甘泉冷廟食千年更
不如

贈丁羽士

入山未許世人逢玉蕊金光紫霧濃洞裏仙書
時附鶴潭前禹步夜驅龍鞭雷訣就雲隨篆禮

斗壇空月在松一日丹成雞犬去祇留藥竈最高峰

送曹能始叅蜀藩二首

徵坦初拜簡書新萬里翻爲叱馭人雨裏泊舟
神女夢花邊行部錦官春雲愁魚復迷孤壘月
挂峨眉影半輪我亦爲郎今白首不堪西望見

行塵

使星何日發長安擁傳休愁蜀道難身佩金章
年最少馬迴玉壘夢猶寒啼猿兩岸舟千里積

雪孤峰路七盤問俗不妨先吊古百花潭水卷
帷看

送陳永奉之江右謁衛開府

隼旟當日聽啼鵩往事淒涼四十年國士已懸
開府印王孫猶乏買山錢西江冰合千峰雪南
浦春歸亂草烟遙憶故人應下榻看君新賦落
霞篇

送真受講師歸霍童

演罷蓮華花亂飛殘年如送老僧歸日沉半嶺

人烟斷雪滿千峰
錫影微貝葉已傳
新講席梅枝空發舊禪扉
不知南北分宗日
身後誰當授法衣

蘇漢英太學手狀索其先公志銘賦答

手狀題緘到竹林
遙憐風木歲寒侵
一封馮鬚文人骨三尺
魚腸烈士心
流水生涯雙鷗老
名山事業片雲深
年來雞骨多憔悴
筆底虛勞索碎金

戊申除日東郊觀春感懷

香塵一道紫雲迴
隊隊梨園繡作堆
歲事半隨殘曆盡
春風先已隔宵來
竿頭舞傍寒梅落
藍尾杯迎綠勝開
廿載風光渾不似
更堪華髮暗相催

己酉元日

曙鍾初動冶城南
已是人間四十二
初啓華門燒爆竹
暗祈豐歲賽伽藍
交情冷落人誰問
生計蕭條婦自諳
却笑出山心尚在強隨班馬習

朝參

己酉正月一日丘伯凡孝廉見過鏡瀾閣

賦贈

東風兩日到山家已覺輕寒散暮鶴共貰一尊
殘柏葉閒看隔歲老梅花板橋月黑潮聲小寶
篆香深燭影斜故國年華隨處賞不須芳草歎
天涯

十二夜燈

千枝鳳蠟一時懸共道元宵勝去年人影漸隨
香霧合月輪還讓彩燈圓虹橋乍起搖星斗錦

障初開試管絃更說閩山香火勝魚龍百戲列
齋筵

十四夜燈

綠棚高結紫霞標火樹銀花第一宵兔魄却疑
今已滿燈華還比夜來飫翠翹浮月盤龍動玉
勒嘶風寶馬騎士女喧闐春似海更祈圓滿到

明朝

十五夜燈

舞鳳蟠龍百戲陳寒空如水涌冰輪二千世界

團園夕十萬人家富貴春碧海有天皆紫霧錦
城無地不紅塵行遊漫道今宵永漏咽銅龍夜

又晨

十六夜燈

銀燭初開月漸遲看來已減一痕絲莫言燈市
將殘夜只當蟾光欲滿時驄馬壁車尋舊路紅
牙檀板變新詞春光一夕都衰謝浪蝶遊蜂尚

未知

十七夜燈

春色闌珊事漸非賞心誰復惜芳菲
敲闌禁鼓月初上踏遍殘燈人已稀
楊柳舞多凋綠綺芙蓉淡少落紅衣
六街尚有餘香在拾得遺簪信馬歸

送倪柯古太學之燕

酒盡離亭急管催春江微雨濕青梅
灘頭紫氣神龍起臺上黃金駿馬來
草色連天吳苑暗鶯聲拂曙漢宮開
上林作賦君能事看取秋風桂子回

之霍童答同社諸子

屐爲尋山不覩停鶴林東望海冥冥雲中絳節
仙都宅天上瑤函 御賜經碧洞桃花還獨采
霜鐘祇樹共誰聽星燭丹竈勞相念只恐紅塵
夢未醒

白鶴嶺

鳥道垂空霄漢邊罡風吹散萬峰烟山迴白鶴
千盤下瀑捲蒼龍百道懸野色春歸青匝地海
門雲盡碧連天步虛試把瑤笙奏綠嶺何須問

列仙

界首嶺遇雨

界首嵯峨鳥不翔金垂渡口海茫茫商帆遠探
蛟龍窟越島中分瘴癘鄉萬疊雲山人鶴髮滿
天風雨路羊腸子規夜夜啼林杪不管遊人別
恨長

長溪贈胡孟脩刺史

使君分竹古秦川合沓蒼山島嶼連萬里扶桑
天接水孤城斥鹵海爲田腥風入市家家錯嵐

氣當樓處處烟更有名山供吏隱摩霄峰頂挾飛仙

贈顧將軍

將軍仗鉞古長溪號令登壇馬不嘶夜按水營明組練秋驅裨將鎖鯨鯢戟門日落胡笳動幕府雲開島樹低海上氛消時緩帶陰陰鈴閣早

鶯啼

同胡孟脩登松山

百尺危峰水上浮芙蓉片片俯沙洲歸潮漁綢

晴初曠絕島樓船戍未收石壁孤懸烽火夜銀
濤高捲海門秋年來卧治無鼙鼓坐看滄波萬
里流

聖水庵同周喬卿張憲周

新松夾道竹成陰金碧初開簷葛林地涌聖泉
消病肺天飛花雨印禪心背城十里行人少繞
榻千峰落木深自信遠公堪遁跡可容靈運一
相尋

登龍首絕頂作

縹渺蓮花第一峰空山叢棘絕行蹤雲生下界
孤城雨人聽斜陽半嶺鐘海上晴濤奔萬馬天
中積翠走羣龍金光玉蕊知何處欲駕鸞驂問
赤松

贈崔徵仲茂才

旅館逢君興不孤風塵十載困潛夫家鄰白鶴
時餐玉手探驪龍早得珠洞府丹梯春蠟屐高
陽斗酒夜呼盧凌雲未賦雄心在猶自悲歌擊

唾壺

李將軍招飲壽海樓作同喬卿崔徵仲歐

全叔

百尺高臺臺上樓鼓鼙烽火似邊州鯨波已定
降王檄雉堞猶傳控海籌平楚風烟臨水盡亂
峰雲氣抱城浮時平無事將軍醉笑倚紅粧卜

夜遊

贈歐全叔山人

曾使琉球

瘴雨蠻烟冷不勝逢君如對玉壺冰身騎南霍
峰頭鶴跡寄中山海外僧十二闌干春半臂三

千雲水夜孤燈酒酣擊劍談詩罷白馬翩翩向

五陵

別崔徵仲

山城花發早鶯聞無柰逢君又送君孤館一尊
聽夜雨摩霄半榻共春雲燃犀已探驪龍穴掃
石曾窺玉簡文此去霍林知不遠未應閒却白

鷗羣

贈歐全叔從林將軍出汎

少年彩筆氣如虹身逐輕車瘴海東石堡孤懸

烟樹外樓船遙度浪花中水犀甲捲春雲白魚
陣旗翻曉日紅滄海無波二十載看君談笑破
長風

遊太姥道中作

新晴山氣轉氤氳野鳥鈎輶處處聞溪女賣花
當午道畬人燒草過春分數行巖瀑千層雪一
線天梯半嶺雲迢遞前村何處宿行籬茅舍日

初曛

玉湖庵感懷

松杉十里插天青 小寺殘燈望窈冥 百道泉飛
雙樹月亂峰雲護 一函經采茶人去 猿初下乞
食僧歸鶴未醒 滄海爲田君莫恨 從來勝跡易
凋零

巖洞贈鏡和尚

春風萬壑散晴烟 蹤棘攀蘿鳥道邊 惚石疊成
空外色懸崖穿破地 中天洞蒸嵐氣時時雨路
遶峰頭處處泉茅榻竹房人不到老僧長抱白
雲眠

金峰庵

蒲庵石室倚崔嵬巖瀑潺湲曲磴迴百畝翠雲
寒玉滴半窓黛色錦屏開道流伏火留丹竈野
鶴窺人下玉臺避世山中忘日月落花流水卽
天台

太姥山中

崎嶇歷盡扣山家日午山蜂已放衙到處探雲
筠竹杖入門迎客海棠花野猿競采初春果稚
子能收未雨茶自分鹿麋蹤跡久老僧無用具

袈裟

太姥墓

一片玄宮削不成苔封丹井僅圍城彩雲長護
仙人掌斷碣猶傳太姥名隔水芙蓉鸞珮影中
宵華表鶴歸聲如今滄海揚塵久惟有藍溪不

世情

國興廢寺作

紺殿高標半有無老僧猶自憶乾符沙埋碧瓦
金光散雨打青燈寶篆枯遺像盡依山鬼卧殘

碑空牘石龜趺禪心何事論生滅日落千峰呴

鷓鴣

宿摩霄庵

萬壑空青敞梵宮下方一氣俯溟濛昏鐘半落
天河外返照全低碧海東苦竹一牕山鬼語寒
雲孤榻老僧同松風吹醒遊仙夢身在瑤臺積

翠中

疊石庵

夸娥已架空中石古寺仍存疊石名出門十里

但竹色荒山盡日惟溪聲已無剝啄妨入定祇
有翠旛同幽情老僧養蜂當說法蜂泥落地花
縱橫

霍林道中

策杖尋真未得閒嶺雲迢遞路孱顏溪邊喚艇
重重渡馬首衝人疊疊山石室猿窺新月嘯松
門鶴帶暝烟還碧桃落盡胡麻熟未許遊人到
此間

霍童山中

尋真十里不覺遠古木槎枒石嵌嵌山色溪色
互相背大童小童相追隨雲中閑世一黃鶴洞
口笑人雙紫芝比丘導客出樵徑竹杖芒鞋隨
所之

紫芝淨室

開士幽居絕世蹤牕臨大小霍童峰烟霞門外
雙祇樹日月山中五粒松石洞花隨來去水海
門潮答曉昏鐘紫芝欲采無人識知隔仙源第
幾重

鶴林宮

雲馭霓裳去不迴
蕊珠宮殿已蒼苔
前朝甲子無人識
半夜精靈有鶴來
水碓春沙鳴斷澗
丹爐宿火濕寒灰
殘棋局冷桃花盡
不獨人間事可哀

支提寺

鷺嶺西飛萬壑迴
上方紺殿聳崔嵬
金身新出中宮賜
寶地遙從震旦開
苔篆春侵香積冷
松林夜漏聖燈來
山僧定後諸天寂
惟有猿啼說

法臺

金燈精舍吊真受上人

淨室初開榻已塵
柴門流水掩松筠半生衣鉢
傳高足遺像香燈哭故人
海燕尚依新屋乳山
花空發舊枝春化成林下藤蘿外
夜夜金燈照法身

小草齋集卷之二十一終